

## داوا قیمت‌ری کئچن ایلکی قیمت‌ره قاییدیر

اسلامی شورا مجلسی‌نین بهداشت و درمان کمسیونونون رئیسی بونو دئماغینان کی داوالارا وئرلن 2200 میلیارد تومن سوبسیدین 400 میلیارد تومنی خاص و صعب العلاج ناخوشلوقلارین داوالارینا اختصاص وئرلیپ آرتیردی: داوا سوبسیدلری اختصاص تاپسا داوالارین قیمت‌ی کئچن ایلکی کیمی اولاجاق. دکتر شهریار سلامت نیوز خبرنگاری اینن دانیشتیقدا دئدی: مجلس، 2200 میلیارد تومن داوا سوبسیدی اوچون نظرده آلیب کی دولت بو سوبسیدی بهداشت وزارت‌نین اختیاریندا قویمالیدیر. و بهداشت وزارت‌ی‌ده داوا قیمت‌لرینی یئندیرماق اوچون بو سوبسیدی پاخچی مدیرت ائله‌مه‌لیدیر. او، «سوبسیدین نه مقداری بهداشت وزارت‌ی اختیاریندا قویولوب» سؤالی‌نین جوابیندا دئدی: دنیله‌نه گؤره، 2200 میلیارد تومنلیق سوبسیدین 400 میلیارد تومنی خاص و صعب العلاج ناخوشلوقلارین دوالاری اوچون وئرلیپ و 1800 میلیارد تومن‌ده بوتون داوالارین قیمت‌ینی آزالتماق اوچون وئرلیمه‌لیدیر. او آرتیردی: اختصاص تاپان سوبسید دوزگون مدیرت اولسا بوتون داوالارین قیمت‌ی کئچن ایلکی قیمت‌ه قاییداجاق.